



## UNIT KORPORAT DAN PERHUBUNGAN AWAM

### MAKLUMAT MAJLIS BANDARAYA ISKANDAR PUTERI MELALUI AKHBAR UNTUK BULAN JULAI 2018

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	007-2018/001	03.07.2018	Utusan Malaysia	Info PBT	Alihkan segera pokok tumbang
2.	007-2018/002	04.07.2018	Utusan Malaysia	Info PBT	PBT wajib lantik 30 peratus ahli majlis wanita - Zuraida
3.	007-2018/003	05.07.2018	Utusan Malaysia	Info PBT	MPPG bina 2 Dewan Muafakat
4.	007-2018/004	08.07.2018	Berita Harian	Info PBT	Lady Bikers promosi pelancongan Johor
5.	007-2018/005	10.07.2018	Utusan Malaysia	Info PBT	Masalah pokok tumbang diselesaikan -MBJB
6.	007-2018/006	11.07.2018	Sinar Harian	Info PBT	Bimbang anjing liar berkeliaran
7.	007-2018/007	11.07.2018	Sinar Harian	Info PBT	Taman permainan rosak perlu diberi perhatian
8.	007-2018/008	11.07.2018	Harian Metro	Info PBT	Sampah haram : 326 lokasi dikenalpasti kawasan 'panas'
9.	007-2018/009	18.07.2018	Sinar Harian	Info PBT	165 ahli majlis PBT negeri dilantik
10.	007-2018/010	18.07.2018	Sinar Harian	Info PBT	Wujudkan aplikasi setiap PBT
11.	007-2018/011	29.07.2018	Sinar Harian	Info PBT	'Jangan hanya berdiam diri'
12.	007-2018/012	30.07.2018	Harian Metro	Info PBT	Kes demam denggi menurun 31 peratus
13.	007-2018/013	30.07.2018	Harian Metro	Info PBT	Iklan haram hartanah 'bersepah'

#### RINGKASAN LAPORAN UNTUK BULAN JULAI 2018:

JENIS ARTIKEL	JUMLAH
ADUAN	0
INFO MBIP	0
INFO PBT	13
<b>JUMLAH</b>	<b>13</b>



## MAJLIS BANDARAYA ISKANDAR PUTERI

No. Daftar : 007-2018/001  
Tarikh : 03.07.2018 (Selasa)  
Jenis Akhbar : Utusan Malaysia  
Jenis Artikel : Info PBT  
Tajuk Artikel : Alihkan segera pokok tumbang



**POKOK** tumbang masih belum dialihkan ke tempat lain berhampiran SK Seribong dan KIP Permas Jaya, Johor, semalam.

### Alihkan segera pokok tumbang

SAUDARA PENGARANG,

SUASANA hijau yang meredamalkan, memang menjadi dambaan semua pihak, apatah lagi jika tinggal di kawasan bandar raya seperti Johor Bahru.

Walaupun bandar raya ini pesat membangun, namun masih banyak kawasan yang tetap menghidu jau dan masih belum diteroka.

Selain itu, banyak juga pokok yang ditanam di tepi jalan untuk mengindahkan suasana dan landskap.

Namun, akibat hujan lebat dan ribut kuat yang melanda kawasan Permas Jaya kelmarin, sebatang pokok di jalan menuju ke Sekolah Kebangsaan (SK) Seribong dan Kuarters Institut Pendidikan (KIP) Permas Jaya tumbang sehingga menghalang

Lebih membahayakan, pokok tersebut tidak tumbang sepenuhnya dan hanya 'bersandar' di sebatang pokok yang lain."

Jalan. Walaupun sudah dipotong beberapa dahannya oleh penduduk yang prihatin, namun dahan besar dan pokok tersebut tidak dialihkan sepenuhnya, hanya membolehkan untuk sebuah kenderaan melaluinya.

Justeru, saya memohon kepada pihak berkuasa tempatan (PBT) yang berkaitan untuk segera membantu memotong dan mengalih-

kan pokok tersebut. Lebih membahayakan, pokok tersebut tidak tumbang sepenuhnya dan hanya 'bersandar' di sebatang pokok yang lain.

Andai berlaku hujan serta ribut kuat sekali lagi, pokok tersebut berisiko tumbang serta menyalak hayakan orang ramai yang melalui kawasan berkenaan.

Jadi, sebelum berlaku perkara yang tidak diingini, saya berharap PBT berkenaan, iaitu Majlis Bandaraya Iskandar Puteri (MBIP) merabanya segera memotong dan mengalihkan pokok tersebut.

Semoga permasalahan ini diselesaikan segera demi keselamatan dan kesejahteraan semua pihak.

**PENGHUNI SEMEMPAT**  
Permas Jaya





## MAJLIS BANDARAYA ISKANDAR PUTERI

No. Daftar : 007-2018/002  
Tarikh : 04.07.2018 (Rabu)  
Jenis Akhbar : Utusan Malaysia  
Jenis Artikel : Info PBT  
Tajuk Artikel : PBT wajib lantik 30 peratus ahli majlis wanita - Zuraida

### PBT wajib lantik 30 peratus ahli majlis wanita – Zuraida

**PUTRAJAYA 3 Julai** Pihak berkuasa tempatan (PBT) diwajibkan melantik sekurang-kurangnya 30 peratus anggota majlis wanita, kata Menteri Perumahan dan Kerajaan Tempatan, Zuraida Kamaruddin.

Beliau berkata, langkah itu adalah selaras dengan usaha kerajaan untuk menggarap perkhidmatan peranan wanita dalam kementerian dan PBT kerana pandangan golongan itu adalah pelengkap kepada undang-undang dan garis

panduan serta rancangan pembangunan. Zuraida berkata, ketika ini hanya penglibatan wanita sebagai anggota majlis PBT di seluruh negara ialah 14 peratus dengan negeri Selangor mempunyai peratusan tertinggi sebanyak 22 peratus.

"Ketika ini setiap PBT mempunyai 24 orang anggota majlis, jadi kalau 30 peratus



ZURAIDA

sekurang-kurangnya tujuh orang diwakili oleh wanita," katanya pada sidang akhbar di sini hari ini.

Menurutnya, syarat itu juga perlu dipertubi oleh setiap PBT bagi mendapatkan taraf lima bintang dalam Sistem Pengiraan Carta Rating PBT (SSR-PBT). Zuraida berkata, langkah itu juga adalah selaras dengan syarat

dari antarabangsa yang menetapkan sekurang-kurangnya 30 peratus anggota majlis tempatan wanita antaranya Konvensyen mengenai Penghapusan Segala Bentuk Diskriminasi terhadap Wanita (CEDAW) dan Matlamat Pembangunan Lestari (SDG) 2030.

Ditanya sama ada kementerian membuat tempoh tertentu untuk PBT mencapai peratusan tersebut, Zuraida berkata ia bergantung kepada tempoh kontrak anggota majlis masing-masing.



# MAJLIS BANDARAYA ISKANDAR PUTERI

No. Daftar : 007-2018/003  
Tarikh : 05.07.2018 (Khamis)  
Jenis Akhbar : Utusan Malaysia  
Jenis Artikel : Info PBT  
Tajuk Artikel : MPPG bina 2 Dewan Muafakat



## MPPG bina 2 Dewan Muafakat

**JOHOR BAHRU 4 Julai** - Majlis Perbandaran Pasir Gudang (MPPG) akan membina dua lagi Dewan Muafakat Johor di kawasan pentadbirannya pada tahun ini.

Yang Dipertuanya, Hasrin Kamal Hashim berkata, dua dewan berkenaan akan dibina di Kampung Sentosa dan Jalan Ciku, Kota Masai serta dijangka siap tahun depan.

"Dewan Muafakat Johor ini dijangka menelan kos antara RM3 juta hingga RM4 juta sebuah dan mampu memuatkan kira-kira 1,000 orang.

"Dewan ini nanti turut dilengkapi pendingin hawa kerana dewan seperti ini biasanya menjadi tempat majlis perkahwinan," katanya ketika ditemui baru-baru ini.

Hasrin Kamal berkata, MPPG menasaskan untuk membina dewan seumpama itu di kesemua 24 zon di bawah pentadbirannya.

"Setakat ini kita telah mempunyai lebih 10 buah Dewan Muafakat Johor dan kita mahu di setiap zon mempu-



Dewan ini nanti turut dilengkapi pendingin hawa kerana dewan seperti ini biasanya menjadi tempat majlis perkahwinan."

**HASRIN KAMAL HASHIM**  
Yang Dipertua MPPG

nyai sekurang-kurangnya sebuah dewan.

"Kemudahan ini banyak memberi manfaat kepada penduduk sekitar kerana pelbagai program kerajaan dan agensi luar boleh diadakan di situ selain menjadi tempat majlis perkahwinan," katanya.

### PEMBERITAHUAN

Adalah diberitahu bahawa **WONG SIEW SANG** (NO. K/P: 680110-01-5513) membuat permohonan Lesen Menjual Minuman Rumah Awam Kelas 1, **DO RE MI MUSICAL LOUNGE (JM0870386-W)** di 112A, JALAN MERANTI, TAMAN MELODIES, 80250 JOHOR BAHRU, JOHOR.

Sesiapa yang ingin membuat bantahan terhadap permohonan ini hendaklah menghantarkan bantahan bertulis kepada Pengerusi Lembaga Pelesenan Daerah, Jalan Datin Halimah, 80350 Johor Bahru tidak lewat daripada dua minggu dari tarikh pemberitahuan ini.



# MAJLIS BANDARAYA ISKANDAR PUTERI

- No. Daftar : 007-2018/004  
Tarikh : 08.07.2018 (Ahad)  
Jenis Akhbar : Berita Harian  
Jenis Artikel : Info PBT  
Tajuk Artikel : Lady Bikers promosi pelancongan Johor



## → MASYARAKAT

# Lady Bikers promosi pelancongan Johor

→ Sultan Ibrahim melepaskan konvoi 108 penunggang wanita

Oleh Mohd Sabran Md Sani  
sab@nstp.com.my  
Johor Bahru

Sultan Johor, Sultan Ibrahim Iskandar, berkenan melepaskan 108 penunggang motosikal wanita dari seluruh negara dan Brunei, yang menyertai program Lady Bikers Tourism Ride 15 di Istana Pasir Pelangi di sini, semalam.

Program julung kali dianjurkan kerajaan negeri melalui Tourism Johor itu membabitkan jelajah ke 14 lokasi pelancongan negeri itu yang berakhir hari ini.

**Fakta nombor**

**1,000**  
KILOMETER

jarak perjalanan bermula dari Putrajaya dan berakhir di Muar



Sultan Ibrahim melepaskan 108 penunggang motosikal wanita di Istana Pasir Pelangi, Johor Bahru, semalam.

Antara lokasi dikunjungi ialah Marina Puteri Harbour; Stadium Tan Sri Haji Hassan Yunus Larkin; Kompleks Yayasan Warisan Johor; Dataran Bandaraya Johor Bahru; Laman Mahkota; Muzium Tokoh; Pantai Tanjung Balau; Muar River Cruise dan Desa Keroma Eco Resort, Muar.

Program membabitkan perjalanan sejauh 1,000 kilometer itu bermula di Putrajaya kelmarin, sebelum ke sini dan berakhir di Muar.

Yang turut hadir sama pada majlis pelepasan ialah Pengerusi Jawatankuasa Pembangunan Wanita dan Pelancongan Negeri, Liow Cai Tung; Setiausaha Kerajaan Negeri, Datuk

Azmi Rohani dan Ketua Lady Bikers merangkap Ketua Sekretariat Konvoi, Maznah Mohamad.

Sementara itu, Cai Tung berkata, objektif pengajuran program bagi mempromosi produk pelancongan Johor.

### **Pelbagaikan tarikan pelancongan Johor**

ia bagi memperbagaikan tarikan pelancongan negeri itu, sekali gus menarik lebih ramai pelancong ke Johor khususnya pelancong tempatan.

"Pada masa sama, ia akan memperluaskan kempen promosi produk, perkhidmatan pelancongan negeri

dan membangunkan pakej pelancongan bagi aktiviti bermotosikal secara berkonvoi," katanya.

Beliau berkata, kerajaan negeri berharap acara itu menjadi pemangkin kepada penggerak industri pelancongan Johor; dalam usaha menjadikan negeri itu sebagai destinasi menarik bagi aktiviti jelajah bermotosikal.

"Saya yakin kerjasama semua pihak dapat menyemarakkan industri pelancongan domestik di negeri ini, sekali gus menarik minat kelab permotoran luar negeri datang, bermalam dan berbelanja di Johor," katanya.



# MAJLIS BANDARAYA ISKANDAR PUTERI

No. Daftar : 007-2018/005  
Tarikh : 10.07.2018 (Selasa)  
Jenis Akhbar : Utusan Malaysia  
Jenis Artikel : Info PBT  
Tajuk Artikel : Masalah pokok tumbang diselesaikan -MBJB



PIHAK MBJB memotong dan mengalihkan pokok tumbang di Permas berhampiran SK Senibong dan Kuarters Institut Pendidikan Permas Jaya, Pasir Gudang, Johor, baru-baru ini.



## Masalah pokok tumbang diselesaikan - MBJB

Saudara pengarang,

**MASALAH** pokok tumbang seperti yang disiarkan *Utusan Malaysia* dalam ruangan Suara Rakyat Johor pada 3 Julai lalu di kawasan Permas sudah pun diambil tindakan baru-baru ini.

Pihak Majlis Bandaraya Johor Bahru (MBJB) sudah memotong dan mengalihkan pokok tumbang itu yang berhampiran Sekolah Kebangsaan (SK) Senibong dan Kuarters Institut Pendidikan Permas Jaya.

Tindakan segera diambil kerana pokok yang tumbang berkenaan mengganggu lalu lintas di kawasan tersebut dan masalah berkenaan sudah selesai.

Sehubungan itu, Datuk Bandar Johor Bahru, Amran Abdul Rahman menyeru orang ramai terutama penduduk bandar supaya terus menjadi mata dan telinga pihak MBJB.

Mereka harus bekerjasama melaporkan sebarang aduan berkenaan keselamatan dan keindahan persekitaran dalam usaha menjadikan Bandaraya Johor Bahru lebih indah, bersih dan selamat.

**BAHAGIAN KORPORAT DAN PEHUBUNAN AWAM MBJB**



# MAJLIS BANDARAYA ISKANDAR PUTERI

No. Daftar : 007-2018/006  
Tarikh : 11.07.2018 (Rabu)  
Jenis Akhbar : Sinar Harian  
Jenis Artikel : Info PBT  
Tajuk Artikel : Bimbang anjing liar berkeliaran



Anjing liar yang berkeliaran didakwa mengancam keselamatan penduduk.

## Bimbang anjing liar berkeliaran

LABIS - Kehadiran anjing liar yang berkeliaran di beberapa kawasan perumahan di Pekan Labis, di sini, mengundang ketidakelesaan dalam kalangan penduduk dan dikhuatiri mengancam keselamatan.

Penduduk juga mendakwa, kumpulan anjing liar terbabit sering melarikan sampah yang diletakkan di hadapan rumah selain mengganggu ketenteraman.

Penduduk, Ahmad Kamil Abdullah, 46, berkata, dia mahu pihak bertanggungjawab menangani masalah anjing liar di kawasan perumahan dan taman-taman permainan yang terdapat di sini.

"Selain selongkar sampah yang diletakkan di hadapan rumah, anjing liar yang berkeliaran di kawasan perumahan terutama pada waktu pagi turut mengancam keselamatan penduduk terutama kanak-kanak dalam perjalanan ke sekolah.

"Jika pada waktu malam dan awal pagi pula, anjing liar ini turut mengejar kucing-kucing milik penduduk sehingga ke pintu rumah sehingga menimbulkan keadaan

tidak selesa," katanya.

Menurutnya, sekiranya pihak bertanggungjawab tidak mempunyai kepakaran dan peralatan mencukupi untuk menjalankan operasi menangkap anjing liar, perkara tersebut tidak boleh dijadikan alasan kerana masih boleh meminta nasihat dan bantuan agensi berkaitan.

Katanya, dia mengakui bahawa Majlis Daerah Labis (MDL) ada menjalankan operasi menangkap anjing liar yang berkeliaran di sini, namun operasi tersebut dijalankan secara berkala.

"Saya lihat kebanyakan operasi anjing liar hanya dilakukan waktu tengah hari. Pada waktu sebegini (tengah hari), semua anjing tidak aktif dan bersembunyi dan bagi saya ini menjadi salah satu faktor anjing yang ditangkap tidak banyak.

"Selain itu, kaedah menembak anjing juga tidak begitu sesuai kerana anjing akan melarikan diri sebaik terdengar bunyi tembakan selain boleh membahayakan orang ramai," katanya.



# MAJLIS BANDARAYA ISKANDAR PUTERI

- No. Daftar : 007-2018/007  
Tarikh : 11.07.2018 (Rabu)  
Jenis Akhbar : Sinar Harian  
Jenis Artikel : Info PBT  
Tajuk Artikel : Taman permainan rosak perlu diberi perhatian

## Taman permainan rosak perlu diberi perhatian

SEGAMAT - Kerosakan alat permainan di taman permainan awam di Kampung Baru Jementah, di sini, boleh mendatangkan kecederaan kepada pengunjung terutama kanak-kanak.

Adun Jementah, Tan Chen Choon berkata, pihaknya dapat aduan daripada pengunjung.

"Daripada aduan diterima, saya buat tinjauan dan kerosakan berlaku pada beberapa alat permainan di taman tersebut.

"Saya tengok bahagian bawah gelongsor sudah ter-

kopek. Ia sangat bahaya kepada kanak-kanak. Jika mereka tidak perasan boleh mendatangkan kecederaan," katanya.

Menurutnya, selain itu, beberapa alat mainan seperti buaian juga telah hilang dan hanya tinggal palang besi sahaja manakala terdapat besi berkarat yang boleh mendatangkan kecederaan kepada kanak-kanak.

Katanya, beliau juga memohon agar Majlis Perbandaran Segamat (MPS) mengambil perhatian supaya taman permainan yang ter-

jejas di sekitar Dun Jementah dapat dibaiki semula.

"Buat sementara ini, saya pasang tali amaran agar pengunjung yang datang ke taman permainan ini tidak menggunakan peralatan-peralatan yang rosak kerana bimbang kejadian tidak diingini.

"Kawasan ini memang meriah pada waktu petang kerana kanak-kanak akan bermain di kawasan ini. Namun, mereka terpaksa bermain dalam keadaan serba kekurangan disebabkan keadaan taman permainan tidak sempurna," katanya.



Chen Choon menunjukkan antara peralatan yang rosak.



# MAJLIS BANDARAYA ISKANDAR PUTERI

No. Daftar : 007-2018/008  
Tarikh : 11.07.2018 (Rabu)  
Jenis Akhbar : Harian Metro  
Jenis Artikel : Info PBT  
Tajuk Artikel : Sampah haram : 326 lokasi dikenalpasti kawasan 'panas'



**HARIAN METRO**  
Nurul Amanina Suhaini  
news@nstp.com.my

**Johor Bahru**

**S**ebanyak 326 lokasi di kenal pasti sebagai kawasan 'panas' sampah haram di seluruh Johor, selain 48 daripadanya lokasi sampah berulang.

Pengerusi Jawatankuasa Kerajaan Tempatan, Sains dan Teknologi negeri Tan Hong Pin berkata, jumlah berkenaan mencatatkan peningkatan berbanding hanya 169 lokasi sampah haram yang diambil tindakan pembersihan oleh Perbadanan Pengurusan Sisa Pepejal dan Pembersihan Awam (SWCorp) Johor pada 2014.

Menurutnya, kerajaan negeri melihat perlunya pemerkasaan SWCorp dalam menerjemah dan menguatkuasa Akta Parlimen 672 di Johor khusus dalam memastikan masalah longgok sampah haram dapat segera ditangani secara tegas.

"Terbaru, syarikat kontraktor dihadapkan ke mahkamah atas dua pertuduhan mengikut Seksyen 71 (1) Ak-

**Sampah haram**

**326 lokasi dikenal pasti kawasan 'panas'**

**TAN** (tengah) ketika sidang media di Ibu Pejabat SWCorp Johor, Johor Bahru.

**Cari tapak terbaik pelupusan**

**Johor Bahru:** Kerajaan negeri akan mengusulkan cadangan bagi lokasi penggantian Pusat Pelupusan Sisa Pepejal Sanitari Bukit Payong di Parit Sulong, Iatu Pagar.

Pengerusi Jawatankuasa Kerajaan Tempatan, Sains dan Teknologi negeri Tan Hong Pin berkata, sehingga kini perkara berkenaan masih dalam peringkat perbincangan selain pihaknya perlu meneliti kesesuaian untuk menggantikan tapak sedia ada.

"Kerajaan negeri dalam usaha mendapatkan lokasi terbaik bagi tapak pelupusan sampah sanitari, sekali gus menggantikan yang sedia ada.

"Masalahnya kami perlu berbincang dahulu dengan Jabatan Pengairan dan Saliran (JPS).

Hong Ping berkata, kekangan masa kini menjadi masalah kerana kebanyakan pusat pelupusan sampah sedia ada hampir tarikh luput, selain timbul isu lebih besar sekiranya projek Bukit Payong iaitu pelan sokongan Kerajaan Persekutuan untuk mengatasi masalah kekurangan pusat pelupusan sampah perlu bermula semula daripada awal," katanya.

ta 672 berhubung kesalahan longgokan sisa pepejal terkawal iaitu sisa pepejal isi rumah dan pembinaan di Taman Setia Eco Garden di sini, Jun tahun lalu.

"Kes berkenaan dilakukan di mahkamah pada Ahad lalu, seterusnya pesalah di jatuhkan hukuman denda berjumlah RM20,000.

"Kes ini juga menerjemah langkah yang dimulakan ini secara tidak langsung, memberi fokus kepada tindakan penguatkuasaan undang-undang terhadap pesalah longgokan sampah haram menerusi SWCorp Johor," katanya pada sidang media di sini, semalam.

Hadir sama Pengarah SWCorp Johor Asri Amat.

Hong Pin berkata, permbincangan langsung antara SWCorp Johor, syarikat konsesi SWM Environment Sdn Bhd dengan pihak berkuasa tempatan (PBT) mengenai struktur pengurusan sisa pepejal, sekali gus mempersiapkan ahli majlis menguruskan ehwal kerajaan tempatan terutama pengurusan sisa buangan yang menjadi perkara utama perhatian penduduk.

11-07-2018



# MAJLIS BANDARAYA ISKANDAR PUTERI

No. Daftar : 007-2018/009  
Tarikh : 18.07.2018 (Rabu)  
Jenis Akhbar : Sinar Harian  
Jenis Artikel : Info PBT  
Tajuk Artikel : 165 ahli majlis PBT negeri dilantik



## 165 ahli majlis PBT negeri dilantik

JOHOR BAHRU- Kerajaan negeri melantik 165 ahli majlis pihak berkuasa tempatan (PBT) bagi 15 kawasan di negeri berkuatkuasa 15 Julai sehingga 31 Disember 2019.

Exco Kerajaan Tempatan, Sains dan Teknologi, Tan Hong Pin berkata, pelantikan tersebut dilaksanakan bagi meneruskan dan melicinkan pentadbiran di peringkat kerajaan tempatan.

"Kerajaan negeri amat cakna akan persoalan yang timbul dalam khalayak umum tentang pentadbiran di peringkat kerajaan tempatan pasca PRU14 khususnya berkaitan ahli PBT.

"Pelantikan ini dibuat berdasarkan pengalaman latar belakang mereka bersama akar umbi yang diputuskan melalui proses rundingan dan saringan sebelum kesepakatan dicapai dan disusuli sesi temu duga diadakan sebelum pengumuman pelantikan ini dibuat," katanya dalam kenyataan media, di sini.

Hong Pin yang juga Adun Skudai berkata, kerajaan negeri turut mengingatkan bahawa setiap individu yang dilantik bukan sebagai simbol politik partisan di peringkat



**Kerajaan negeri cakna akan persoalan yang timbul dalam khalayak."** - Hong Pin

kerajaan tempatan.

"Sebaliknya menterjemah peranan sebagai pengubal dasar di peringkat kerajaan tempatan dan memberikan perkhidmatan terbaik kepada penduduk setempat.

"Kerajaan negeri juga menegaskan sekali lagi komitmen memperkasa peranan ahli PBT dan seterusnya masyarakat umum di peringkat kerajaan tempatan," katanya.



# MAJLIS BANDARAYA ISKANDAR PUTERI

No. Daftar : 007-2018/010  
Tarikh : 18.07.2018 (Rabu)  
Jenis Akhbar : Sinar Harian  
Jenis Artikel : Info PBT  
Tajuk Artikel : Wujudkan aplikasi setiap PBT



HUBUNGI SKUAD KOTA TINGGI MASTURAH SURADI - 019 7905287

## Wujudkan aplikasi setiap PBT

Mudahkan orang ramai berurusan ikut peredaran zaman

MASTURAH SURADI

KOTA TINGGI

Pihak Berkuasa Tempatan (PBT) di Johor disaran meningkatkan sistem pengurusan dan capaian pelanggan melalui teknologi moden seiring peredaran masa yang lebih efisien dan terkini.

Exco Kerajaan Tempatan,

Sila layari [sinarharian.com.my](http://sinarharian.com.my)



Ho Ping (enam, kanan) bergambar kenangan ketika hadir merasmikan Dewan Terbuka Taman Desaru Utama di Bandar Penawar.

Sains dan Teknologi, Tan Ho Ping berkata, satu aplikasi perlu diwujudkan di setiap PBT untuk memudahkan masyarakat mendapat maklumat serta mempromosikan kawasan tersebut.

"Jika boleh, kita hendak memperluaskan sistem tersebut supaya orang awam juga dapat guna untuk

mudahkan lagi urusan dengan PBT.

"Kita juga harap setiap PBT perlu menerapkan semangat inspirasi kerajaan negeri untuk lebih mendekati rakyat," katanya selepas melakukan lawatan di kawasan PBT Pengering.

Hadir sama, Pegawai Daerah Kota Tinggi, Farizal

Ismail dan Yang Dipertua PBT Pengering, Bukhari Abd Rahman.

Terdahulu, pada lawatan sama Ho Ping turut merasmikan Dewan Terbuka Taman Desaru Utama di Bandar Penawar yang dibina dengan kos RM440,000.

Dewan yang mula dibina September tahun lalu dan

siap hujung tahun lepas itu, merupakan projek tanggungjawab sosial PBT Pengering untuk membangunkan fasiliti bagi kemudahan penduduk setempat.

Ia menjadi satu kemudahan baharu yang dibuka kepada penduduk setempat bagi menjalankan aktiviti-ri-

info

Galak PBT peringkat sistem urus capaian pelanggan

dah dan majlis yang mampu memuatkan lebih 300 orang dalam sesebuah majlis.



Ho Ping (dua, kanan) ketika merasmikan Dewan Terbuka Taman Desaru Utama di Bandar Penawar.



# MAJLIS BANDARAYA ISKANDAR PUTERI

No. Daftar : 007-2018/011  
Tarikh : 29.07.2018 (Ahad)  
Jenis Akhbar : Sinar Harian  
Jenis Artikel : Info PBT  
Tajuk Artikel : 'Jangan hanya berdiam diri'



## 'Jangan hanya berdiam diri'

**Kerajaan Johor tegur ahli majlis supaya beri respons terhadap aduan orang awam**

JULIZA MOHD SAAD

JOHOR BAHRU

**K**erajaan Johor menegur segelintir ahli majlis pihak berkuasa tempatan (PBT) yang tidak memberi maklum balas kepada masyarakat apabila diajukan pertanyaan menerusi aplikasi media sosial atau panggilan telefon.

Exco Kemajuan Tempatan, Sains dan Teknologi Negeri, Tan Hong Pin berkata, tindakan berkenaan tidak wajar berlaku malah sepatutnya

boleh ditangani semua ahli majlis.

"Sebagai seorang 'public figure' di satu-satu kawasan setiap hari mereka akan menerima pelbagai mesej sama ada menerusi aplikasi WhatsApp, panggilan telefon atau sebagainya.

"Saya sendiri berhadapan situasi ini sehingga tidak sempat untuk membalas mesej mahupun panggilan telefon. Bagaimanapun, saya ingin menasihatkan ahli PBT yang baru ditantik supaya mengambil ruang dan peluang untuk membalas setiap mesej terutama aduan masyarakat.

Menurutnya, bagaimanapun masyarakat perlu memahami situasi golongan terbabit yang masih baharu dengan gaya sebagai ahli majlis.

"Saya percaya kebanyakan ahli-ahli PBT yang dilantik masih baru dan 'terkejut' dengan gaya hidup baru sebagai ahli majlis, jadi masyarakat terutama pembayar

cukai perlu memahami situasi itu.

"Ahli PBT disarankan membalas setiap mesej yang dihantar sebagai tanda respons aduan yang disampaikan," katanya dalam sidang media selepas majlis pelancaran Digital Valley di Plaza Pelangi, di sini, semalam.

Hong Pin berkata, jika aduan atau pertanyaan yang diajukan di luar bidang kuasa ahli majlis, mereka seharusnya menjawab dan memaklumkan saluran yang betul kepada penguat dan bukan hanya berdiam diri.

"Jangan terus diam, sebaliknya jika mereka tidak boleh menjawab atau di luar bidang kuasa, salurkan atau beri talian yang sesuai untuk mereka hubungi," katanya.

Pada 16 Julai lalu, kerajaan negeri melantik 185 Ahli Majlis bagi 15 kawasan PBT di negeri itu berkuat kuasa dari 15 Julai lalu hingga 31 Disember 2019.



Hong Pin (tiga, kanan) melihat komputer riba yang diuji di Digital Valley.



# MAJLIS BANDARAYA ISKANDAR PUTERI

No. Daftar : 007-2018/012  
Tarikh : 30.07.2018 (Isnin)  
Jenis Akhbar : Harian Metro  
Jenis Artikel : Info PBT  
Tajuk Artikel : Kes demam denggi menurun 30 peratus



## Kes demam denggi menurun 31 peratus

**Johor Bahru:** Jumlah kes demam denggi di negeri ini mencatatkan penurunan 31 peratus dari awal Januari hingga 21 Julai lalu berbanding tempoh sama tahun lalu.

Pengerusi Jawatankuasa Kesihatan, Alam Sekitar dan Pertanian negeri Dr Sahrudin Jamal berkata, tahun ini 3,110 kes demam denggi direkodkan dengan tujuh kematian.

Katanya, jumlah itu menurun 1,414 kes berbanding tahun lalu yang mencatatkan 4,524 kes demam denggi membabitkan 14 kes kematian di negeri itu.

"Walaupun negeri ini menunjukkan prestasi baik dalam menurunkan kes dan kematian akibat demam

denggi, masalah berkaitan penyakit itu masih tinggi.

"Kami menjangkakan kadar kes meningkat selepas musim panas hingga September depan.

"Ini kerana apabila hujan ada tempat takungan atau lopak air menjadi tempat pembiakan nyamuk.

"Berikutan itu, kita perlu melakukan pencegahan dengan memastikan semua tempat yang boleh membiak aedes dimusnahkan termasuk di kawasan tapak pembinaan," katanya pada sidang media sempena sambutan Hari Denggi ASEAN peringkat Johor 2018 di sini, semalam.

Turut hadir, Pengarah Kesihatan Negeri Dr Selahuddin Abd Aziz.



DR Sahrudin menyampaikan cenderahati kepada juri jemputan sempena sambutan Hari Denggi ASEAN peringkat negeri Johor 2018.



# MAJLIS BANDARAYA ISKANDAR PUTERI

No. Daftar : 007-2018/013  
Tarikh : 30.07.2018 (Isnin)  
Jenis Akhbar : Harian Metro  
Jenis Artikel : Info PBT  
Tajuk Artikel : Iklan haram hartanah 'bersepah'



HONG Pin (lima dari kanan) bergambar bersama ejen hartanah pada Majlis Makan Malam Real Estate Practitioners di Johor Bahru.

**Johor Bahru:** Kerajaan negeri mengenal pasti banyak kain rentang dan banting berkaitan iklan hartanah dipasang di lokasi haram selain tidak dibenarkan pihak berkuasa tempatan (PBT).

Pengerusi Jawatankuasa Kerajaan Tempatan, Sains dan Teknologi negeri Tan Hong Pin berkata, pihaknya mengenal pasti banyak iklan diletak di tiang lampu dan kawasan larangan.

Katanya, amat mengecewakan bagi syarikat pemaju yang tidak bertanggungja-

## Iklan haram hartanah 'bersepah'

“Penguat kuasa PBT juga tidak akan teragak-agak mengambil tindakan terhadap pihak yang melanggar undang-undang”

Hong Pin

wab mengeksploitasi kemudahan awam.

“Saya difahamkan ada

kain rentang dan poster dipamerkan di lampu isyarat serta lokasi tidak dibenarkan.

“Amat mengecewakan, kita perlu mendidik pengguna untuk tidak terbabit dengan mana-mana pihak yang menawarkan perkhidmatan menggunakan cara salah ini,” katanya ketika berucap pada Majlis Makan Malam Real Estate Practitioners di sini, semalam.

Hong Pin berkata, penguat kuasa PBT juga tidak akan teragak-agak mengambil tindakan terhadap pihak yang melanggar undang-undang.

“Pada masa sama, kami (kerajaan negeri) mahu Institut Ejen Hartanah Malaysia (MIEA) Johor bekerjasama dengan kerajaan negeri untuk memberikan didikan umum kepada pengguna berhubung perkara ini,” katanya.

